



NÓTA FAISNÉISE

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE lena mbunaítear an Foras Eorpach chun Dálaí Maireachtála agus Oibre a Fheabhsú (EUROFOUND), agus lena n-aisghairtear Rialachán (CEE) Uimh. 1365/75 ón gComhairle – An toradh ar chéad léamh Parlaimint na hEorpa (Strasbourg, 10-13 Nollaig 2018)

I. RÉAMHRÁ

I gcomhréir le forálacha Airteagal 294 CFAE agus leis an dearbhú comhpháirteach maidir le socruithe praiticiúla do nós imeachta na comhchinnteoireachta¹, bhí roinnt teagmhálacha neamhfoirmiúla idir an Chomhairle, Parlaimint na hEorpa agus an Coimisiún d'fhonn teacht ar chomhaontú faoin sainchomhad seo ar an gcéad léamh agus, ar an gcaoi sin, an dara léamh agus idir-réiteach a sheachaint.

Sa chomhthéacs sin, chuir an rapóirtéir, Enrique CALVET CHAMBON (ALDE, ES), leasú comhréitigh (leasú 61) ar an togra le haghaidh rialacháin i láthair thar ceann an Choiste um Fhostaíocht agus um Ghnóthaí Sóisialta. Is le linn na dteagmhálacha neamhfoirmiúla dá dtagraítear thuas a comhaontaíodh an leasú sin. Níor cuireadh leasú ar bith eile síos.

¹ IO C 145, 30.6.2007, lch. 5

II. VÓTÁIL

Ghlac an seisiún iomlánach an leasú comhréitigh (leasú 61) ar an togra le haghaidh rialacháin ag an vóta a caitheadh ar an 11 Nollaig 2018. Is é atá sa togra ón gCoimisiún mar a leasaíodh é seasamh na Parlaiminte ar an gcéad léamh atá le fáil ina rún reachtach mar a leagtar amach san Iarscríbhinn a ghabhann leis seo².

Léirítear le seasamh na Parlaiminte an méid a comhaontaíodh roimhe sin idir na hinstiúidí. Dá bhrí sin, ba cheart go mbeadh an Chomhairle in ann seasamh na Parlaiminte a fhorghnó.

Ansin, d'fhéadfaí an gníomh a ghlacadh san fhoclaíocht a fhreagraíonn do sheasamh na Parlaiminte.

² Rinneadh an leagan sin de sheasamh na Parlaiminte atá le fáil sa rún reachtach a mharcáil chun na hathruithe a tháinig de bharr na leasuithe a rinneadh ar an togra ón gCoimisiún a léiriú. Is le **cló trom agus cló iodálach** a léirítear aon ní a cuireadh leis an téacs ón gCoimisiún. Léirítear téacs a scriosadh leis an tsiombail "■".

An Foras Eorpach chun dálaí maireachtála agus oibre a fheabhsú (Eurofound)
*****I**

Rún reachtach ó Pharlaimint na hEorpa an 11 Nollaig 2018 ar an togra le haghaidh rialachán ó Pharlaimint na hEorpa agus ón gComhairle lena mbunaítear an Foras Eorpach chun Dálaí Maireachtála agus Oibre a Fheabhsú (Eurofound), agus lena n-aisghairtear Rialachán (CEE) Uimh. 1365/75 ón gComhairle (COM(2016)0531 – C8-0342/2016 – 2016/0256(COD))

(An gnáthnós imeachta reachtach: an chéad léamh)

Tá Parlaimint na hEorpa,

- ag féachaint don togra ón gCoimisiún chuig Parlaimint na hEorpa agus chuig an gComhairle (COM(2016)0531),
 - ag féachaint d’Airteagal 294(2) agus do phointe (a) d’Airteagal 153(2) den Chonradh ar Fheidhmiú an Aontais Eorpaigh, ar dá mbun a thíolaic an Coimisiún an togra do Pharlaimint na hEorpa (C8-0342/2016),
 - ag féachaint d’Airteagal 294(3) den Chonradh ar Fheidhmiú an Aontais Eorpaigh,
 - ag féachaint do thuairim ó Choiste Eacnamaíoch agus Sóisialta na hEorpa an 30 Márta 2017³,
 - tar éis di dul i gcomhairle le Coiste na Réigiún,
 - ag féachaint don chomhaontú sealadach a d’fhorpheas an coiste freagrach faoi Riail 69f(4) dá Rialacha Nós Imeachta agus don gheallúint a thug ionadaí na Comhairle i litir dar dáta an 9 Samhain 2018 go ndéanfadh sí seasamh Parlaimint na hEorpa a fhorpheas, i gcomhréir le hAirteagal 294(4) den Chonradh ar Fheidhmiú an Aontais Eorpaigh,
 - ag féachaint do Riail 59 dá Rialacha Nós Imeachta,
 - ag féachaint don tuarascáil ón gCoiste um um Fhostaíocht agus um Ghnóthaí Sóisialta agus don tuairim ón gCoiste um Buiséid (A8-0275/2017),
1. ag glacadh a seasaimh ar an gcéad léamh faoi mar a leagtar amach anseo ina dhiaidh seo;
 2. á iarraidh ar an gCoimisiún an t-ábhar a tharchur chuig Parlaimint na hEorpa arís má dhéanann sé téacs eile a chur in ionad a thogra, má dhéanann sé a thogra a leasú go substaintiúil nó má tá sé ar intinn aige é a thogra a leasú go substaintiúil ;
 3. á threorú dá hUachtarán a seasamh a chur ar aghaidh chuig an gComhairle, chuig an gCoimisiún agus chuig an parlaimintí náisiúnta.

³ [IO C209](#), 30.6.2017, lch 49.

Seasamh ó Pharlaimint na hEorpa arna ghlacadh ar an gcéad léamh an 11 Nollaig 2018 chun go nglacfaí Rialachán (AE) 2018/... ó Pharlaimint na hEorpa agus ón gComhairle lena mbunaítear an Foras Eorpach chun dálaí maireachtála agus oibre a fheabhsú (Eurofound), agus lena n-aisghairtear Rialachán (CEE) Uimh. 1365/75 ón gComhairle

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe pointe (a) d'Airteagal 153(2) de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa⁴,

Tar éis dóibh dul i gcomhairle le Coiste na Réigiún,

Ag gníomhú dóibh i gcomhréir leis an ngnáthnós imeachta reachtach⁵,

⁴ IO C 209, 30.6.2017, lch. 49.

⁵ Seasamh ó Pharlaimint na hEorpa agus ón gComhairle an 11 Nollaig 2018.

De bharr an méid seo a leanas:

- (1) Bunaíodh an Foras Eorpach chun dálaí maireachtála agus oibre a fheabhsú ('Eurofound') le Rialachán (CEE) Uimh. 1365/75 ón gComhairle⁶ chun rannchuidiú le dálaí maireachtála agus oibre níos fearr a phleanáil agus a chur ar bun trí ghníomhaíocháí a cheaptar chun eolas a mhéadú agus a scaipeadh. ***Ba cheart do Eurofound na gnéithe meántéarmacha agus fadtéarmacha sa chomhthéacs sin a thabhairt ar aird freisin.***
- (2) Ón uair ***a bunaíodh é*** in 1975, bhí ról tábhachtach ag Eurofound maidir le tacaíocht a thabhairt d'fheabhsú dálaí maireachtála agus oibre ar fud an Aontais ■ . Ag an am céanna, tá athrú tagtha ar choincheapa na ndálaí maireachtála agus oibre agus ar an tábhacht a bhaineann leo faoi thionchar forbairtí sochaíocha agus athruithe bunúsacha ar na margáí saothair. ***Dá bhrí sin, ba cheart an téarmaíocht a úsáidtear chun cur síos a dhéanamh ar chuspóirí agus cúraimí Eurofound a oiriúnú.***
- (3) Leasaíodh Rialachán (CEE) Uimh. 1365/75 roinnt uaireanta. Ós rud é go bhfuil tuilleadh leasuithe le déanamh air, ba cheart an Rialachán sin ■ a aisghairm agus reachtaíocht nua a chur ina áit ar mhaithe le soiléireacht.
- (4) ***Maidir leis na rialacha lena rialaítear Eurofound, ba cheart iad a bhunú, a mhéid is féidir agus a chineál trípháirteach á chur san áireamh, i gcomhréir le prionsabail Ráiteas Comhpháirteach ó Pharlaimint na hEorpa, ó Chomhairle an Aontais Eorpaigh agus ón gCoimisiún Eorpach maidir le gníomhaireachtaí díláraithe an 19 Iúil 2012 ■ .***

⁶ Rialachán (CEE) Uimh. 1365/75 ón gComhairle an 26 Bealtaine 1975 maidir le cur ar bun Foras Eorpach chun dálaí maireachtála agus oibre a fheabhsú (IO L 139, 30.5.1975, lch. 1).

- (5) *Déanann Eurofound faisnéis atá speisialaithe agus lena soláthraítear breisluach laistigh de réimse saineolais Eurofound a chur ar fáil d’institiúidí agus do chomhlachtaí an Aontais, do na Ballstáit agus do na comhpháirtithe sóisialta.*
- (6) *Ba cheart do Eurofound leanúint de bheith ag déanamh suirbhéanna chun go leanfar de na hanailísí comparáideacha ar threochtaí i ndálaí maireachtála agus oibre agus ar fhorbairtí sa mhargadh saothair san Aontas.*
- (7) *Tá sé tábhachtach freisin go n-oibreodh Eurofound i ndlúthchomhar le comhlachtaí gaolmhara ar an leibhéal idirnáisiúnta, ar leibhéal an Aontais agus ar an leibhéal náisiúnta.*

- (8) Ós rud é go ndíríonn na trí ghníomhaireacht thrípháirteacha, **eadhon** Eurofound, an Ghníomhaireacht Eorpach um Shábháilteacht agus Sláinte ag an Obair (EU-OSHA) agus an Lárionad Eorpach um Fhorbairt na Gairmoiliúna (Cedefop), ar shaincheisteanna a bhaineann leis an margadh saothair, leis an timpeallacht oibre, leis an ngairmoideachas agus an ghairmoiliúint, agus le scileanna, tá gá le dlúth-chomhordú *eatarthu*. **Dá bhrí sin, ba cheart do Eurofound, agus é i mbun a chuid oibre, comhlánú a dhéanamh ar obair EU-OSHA agus Cedefop i gcás ina bhfuil réimsí leasa comhchosúla ag na trí cinn acu, agus san am céanna, taobhú le huirlisí a fheidhmíonn go maith, amhail meabhráin tuisceana. Ba cheart do Eurofound leas a bhaint as bealaí le feabhas a chur ar éifeachtúlacht agus ar shineirgí agus ba cheart dó, ina chuid gníomhaíochtaí, dúbláil le gníomhaíochtaí EU-OSHA agus Cedefop agus le gníomhaíochtaí an Choimisiúin a sheachaint.** Ina theannta sin, i gcás inarb ábhartha, ba cheart do Eurofound féachaint le *comhar éifeachtúil* a dhéanamh leis na seirbhísí taighde *atá ag institiúidí an Aontais agus comhlachtaí speisialaithe seachtracha*.
- (9) **Ba cheart don Choimisiún dul i gcomhairle leis na príomhpháirtithe leasmhara, lena n-áirítear comhaltaí an Bhoird Bainistíochta agus Feisirí de chuid Pharlaimint na hEorpa, le linn na meastóireachta ar Eurofound.**

- (10) *Is léiriú an-luachmhar é cineál trípháirteach Eurofound, EU-OSHA agus Cedefop ar chur chuige cuimsitheach atá bunaithe ar an idirphlé sóisialta idir na comhpháirtithe sóisialta agus údaráis an Aontais agus na húdaráis náisiúnta, rud atá thar a bheith tábhachtach chun teacht ar réitigh shóisialta agus eacnamaíocha atá comhpháirteach agus inbhuanaithe.*
- (11) *Chun próiseas cinnteoireachta Eurofound a shruthlíniú agus chun cuidiú le héifeachtúlacht agus le héifeachtacht a fheabhsú, ba cheart struchtúr rialachais dé-leibhéil a thabhairt isteach. Chun na críche sin, ba cheart ionadaíocht a bheith ag na Ballstáit, ag eagraíochtaí na bhfostóirí Eorpacha agus ag eagraíochtaí na bhfostaithe Eorpacha, agus ag an gCoimisiún ar Bhord Bainistíochta a ndílsítear na cumhachtaí is gá dó, lena n-áirítear an chumhacht an buiséad a ghlacadh agus an doiciméad clársceidealaithe a fhorghnó. Sa doiciméad clársceidealaithe, ina bhfuil clársceidealú ilbhliantúil Eurofound agus a chlár oibre bliantúil, ba cheart don Bhord Bainistíochta tosaíochtaí straitéiseacha ghníomhaíochtaí Eurofound a leagan síos. Thairis sin, ba cheart a áireamh ar na rialacha arna nglacadh ag an mBord Bainistíochta maidir le coinbhleachtaí leasa a chosc agus a bhainistiú bearta chun rioscaí a d'fhéadfadh a bheith ann a bhrath ag céim luath.*

- (12) *Chun go bhfeidhmeoidh Eurofound mar is cuí, ba cheart do na Ballstáit, d'eagraíochtaí Eorpacha na bhfostóirí agus d'eagraíochtaí Eorpacha na bhfostaithe, agus don Choimisiún a áirithiú, maidir leis na daoine a bheidh le ceapadh ar an mBord Bainistíochta, go bhfuil eolas iomchuí acu i réimse na mbeartas sóisialta agus oibre d'fhonn cinntí straitéiseacha a dhéanamh agus maoirsiú a dhéanamh ar ghníomhaíochtaí Eurofound.*
- (13) *Ba cheart an Bord Feidhmiúcháin a chur ar bun agus é de chúram aige cruinnithe an Bhoird Bainistíochta a ullmhú ar shlí iomchuí agus tacú lena phróisis cinnteoireachta agus faireacháin. Agus cúnadh á thabhairt don Bhord Bainistíochta aige, ba cheart gurbh fhéidir leis an mBord Feidhmiúcháin, i gcás inar gá ar chúiseanna práinne, cinntí sealadacha áirithe a dhéanamh thar ceann an Bhoird Bainistíochta. Ba cheart don Bhord Bainistíochta rialacha nós imeachta an Bhoird Feidhmiúcháin a ghlacadh.*
- (14) *Ba cheart don Stiúrthóir Feidhmiúcháin a bheith freagrach as bainistiú foriomlán Eurofound i gcomhréir leis an treoir straitéiseach a leagann an Bord Bainistíochta amach, lena n-áirítear riarachán laethúil mar aon le bainistiú airgeadais agus acmhainní daonna. Ba cheart don Stiúrthóir Feidhmiúcháin na cumhachtaí a chuirtear de chúram air nó uirthi a fheidhmiú. Ba cheart é a bheith indéanta na cumhachtaí sin a chur ar fionraí i gcúinsí eisceachtúla, amhail coinbhleachtaí leasanna nó mainneachtain thromchúiseach oibleagáidí faoi Rialacháin Foirne Oifigigh an Aontais Eorpaigh (na Rialacháin Foirne) a chomhlíonadh.*

- (15) *Is prionsabal bunúsach de dhlí an Aontais é prionsabal an chomhionannais. Ceanglaítear leis nach mór an comhionannas idir mná agus fir a áirithiú i ngach réimse, lena n-áirítear fostaíocht, obair agus pá. Ba cheart do gach páirtí díriú ar ionadaíocht chothrom a bhaint amach idir mná agus fir ar an mBord Bainistíochta agus ar an mBord Feidhmiúcháin. Ba cheart don Bhord Bainistíochta an aidhm sin a shaothrú freisin maidir lena Chathaoirleach agus lena Leas-Chathaoirligh i dteannta a chéile, agus ba cheart do na grúpaí a dhéanann ionadaíocht ar na rialtais agus ar eagraíochtaí na bhfostóirí agus ar eagraíochtaí na bhfostaithe ar an mBord Bainistíochta an aidhm sin a shaothrú freisin maidir le comhaltaí malartacha a ainmniú chun freastal ar chruinnithe de chuid an Bhoird Bainistíochta.*
- (16) *Tá oifig idirchaidrimh ag Eurofound sa Bhruiséil. Ba cheart an fhéidearthacht chun an oifig sin a oibriú a choinneáil.*

- (17) Ba cheart na forálacha airgeadais agus na forálacha maidir le clársceidealú agus tuairisciú *a bhaineann le Eurofound* a nuashonrú. Le Rialachán Tarmligthe (AE) Uimh. 1271/2013 ón gCoimisiún⁷, foráiltear go bhfuil *Eurofound le meastóireachtaí ex ante agus meastóireachtaí ex post a dhéanamh i leith gach ceann de na cháir agus na gníomhaíochtaí lena ngabhann caiteachas suntasach. Ba cheart do Eurofound na meastóireachtaí sin a chur san áireamh ina chlársceidealú ilbhliantúil agus bliantúil.*
- (18) *Chun uathriail agus neamhspleáchas iomlán Eurofound a áirithiú, agus chun a chumasú dó a cuspóirí agus cúraimí a dhéanamh go cuí i gcomhréir leis an Rialachán seo, ba cheart buiséad leormhaith agus neamhspleách a dheonú dó ina mbeadh an t-ioncam ag teacht go príomha ó ranníocaíocht ó bhuiséad ginearálta an Aontais. Ba cheart feidhm a bheith ag nós imeachta buiséadach an Aontais maidir le Eurofound, a mhéid a bhaineann le ranníocaíocht an Aontais agus le haon fhóirdheontais eile is innhuirearaithe ar bhuiséad ginearálta an Aontais. Ba cheart gurb í an Chúirt Iniúchóirí a dhéanfadh iniúchadh ar chuntais Eurofound.*
- (19) *Ba cheart gurb é Ionad Aistriúcháin Chomhlachtaí an Aontais Eorpaigh (an tIonad Aistriúcháin) a sholáthródh na seirbhísí aistriúcháin is gá chun go bhfeidhmeoidh Eurofound. Ba cheart do Eurofound oibriú leis an Ionad Aistriúcháin chun táscairí cáilíochta, tráthúlachta agus rúndachta a bhunú, chun riachtanais agus tosaíochtaí Eurofound a shainiú go soiléir, agus chun nósanna imeachta trédhearcacha oibiachtúla a chruthú do phróiseas an aistriúcháin.*

⁷ Rialachán Tarmligthe (AE) Uimh. 1271/2013 ón gCoimisiún an 30 Meán Fómhair 2013 maidir leis an rialachán réime airgeadais le haghaidh na gcomhlachtaí dá dtagraítear in Airteagal 208 de Rialachán (AE, Euratom) Uimh. 966/2012 ó Pharlaimint na hEorpa agus ón gComhairle, (IO L 328, 7.12.2013, lch. 42).

- (20) Ba cheart na forálacha maidir le foireann Eurofound a bheith i gcomhréir leis na Rialacháin Foirne agus le Coinníollacha Fostaíochta Sheirbhísigh Eile an Aontais Eorpaigh (***Coinníollacha Fostaíochta Seirbhíseach Eile***), a leagtar síos i Rialachán (CEE, Euratom, CEEG) Uimh. 259/68 ón gComhairle⁸.
- (21) Ba cheart do Eurofound na bearta is gá a dhéanamh chun a áirithiú go ndéantar faisnéis rúnda a láimhseáil agus a phróiseáil go sábháilte. Más gá, ***ba cheart*** do Eurofound rialacha slándála a ghlacadh atá coibhéiseach leo siúd a leagtar amach i gCinntí (AE, Euratom) 2015/443⁹ agus i gCinneadh (AE, Euratom) 2015/444¹⁰ ón gCoimisiún.
- (22) Is gá foráil a dhéanamh maidir le forálacha buiséadacha idirthréimhseacha agus forálacha idirthréimhseacha maidir leis an mBord Bainistíochta, an Stiúrthóir Feidhmiúcháin agus an fhoireann chun leanúnachas gníomhaíochtaí Eurofound a áirithiú go dtí go dtiocfaidh an Rialachán seo i bhfeidhm,

TAR ÉIS AN RIALACHÁN SEO A GHLACADH:

⁸ IO L 56, 4.3.1968, lch. 1.

⁹ Cinneadh (AE, Euratom) 2015/443 ón gCoimisiún an 13 Márta 2015 maidir le slándáil sa Choimisiún (IO L 72, 17.3.2015, lch. 41).

¹⁰ Cinneadh (AE, Euratom) 2015/444 ón gCoimisiún an 13 Márta 2015 maidir leis na rialacha slándála chun faisnéis rúnaicmithe AE a chosaint. (IO L 72, 17.3.2015, lch. 53).

CAIBIDIL I

CUSPÓIRÍ AGUS CÚRAIMÍ

Airteagal 1

Bunú agus cuspóirí Eurofound

1. Leis seo, **■** bunaítear **■** an Foras Eorpach chun dálaí maireachtála agus oibre a fheabhsú (Eurofound) ina ghníomhaireacht de chuid an Aontais.
2. Is iad na cuspóirí a bheidh ar Eurofound ***tacaíocht a thabhairt don*** Choimisiún, d'institiúidí, comhlachtaí agus gníomhaireachtaí eile de chuid ***an Aontais***, do na Ballstáit agus do na comhpháirtithe sóisialta chun beartais a mhúnlú agus a chur chun feidhme maidir le dálaí maireachtála agus oibre a fheabhsú, beartais fostaíochta ***a cheapadh***, agus idirphlé a chur chun cinn idir lucht bainistíochta agus lucht saothair.

Chuige sin, feabhsóidh agus scaipfidh Eurofound eolas, soláthróidh sé fianaise agus seirbhísí le haghaidh déanamh beartais, lena n-áirítear conclúidí atá bunaithe ar thaighde, agus éascóidh sé comhroinnt eolais i measc gníomhairí de chuid an Aontais agus gníomhairí náisiúnta agus eatarthu.

Airteagal 2

Cúraimí

1. Beidh na cúraimí seo a leanas ag Eurofound i ndáil leis ***na réimsí beartais dá dtagraítear in Airteagal 1(2), agus freagrachtaí na mBallstát á n-urramú go hiomlán aige:***
 - (a) forbairtí a anailisiú agus anailísí comparáideacha a sholáthar maidir le beartais, creata institiúideacha agus cleachtais ***sna Ballstáit agus, i gcás inarb ábhartha, i dtíortha eile;***
 - (b) ***sonraí a bhailiú, mar shampla trí bhíthin suirbhéanna, agus*** anailís a dhéanamh ar threochtaí i ndálaí maireachtála agus oibre, agus ar fhorbairtí ***san fhostaíocht*** agus sa mhargadh saothair;
 - (c) anailís a dhéanamh ar na forbairtí ar chórais caidrimh thionsclaíoch agus go háirithe ar an idirphlé sóisialta ar leibhéal ***an Aontais*** agus sna Ballstáit;
 - (d) staidéir a dhéanamh nó a choimisiúnú agus taighde a dhéanamh maidir le forbairtí socheacnamaíocha ábhartha agus na saincheisteanna gaolmhara beartais;

- (e) *i gcás inarb ábhartha agus arna iarraidh sin don Choimisiún, tionscadail phíolótacha agus gníomhaíochtaí ullmhúcháin a dhéanamh;*
- (f) fóraim a chur ar fáil chun taithí agus faisnéis a mhalartú idir na *rialtais*, na comhpháirtithe sóisialta agus páirtithe leasmhara eile **■** ar an leibhéal náisiúnta, *lena n-áirítear trí fhaisnéis agus anailís atá fianaise-bhunaithe*;
- (g) uirlisí agus tacair sonraí a bhainistiú agus a chur ar fáil do lucht déanta beartais, do na comhpháirtithe sóisialta, do lucht léinn agus do pháirtithe leasmhara eile;
- (h) *straitéis a bhunú le haghaidh caidreamh le tríú tíortha agus le heagraíochtaí idirnáisiúnta i gcomhréir le hAirteagal 30 a mhéid a bhaineann le cúrsaí a bhfuil Eurofound inniúil maidir leo.*

2. *I gcás ina bhfuil gá le staidéir nua, agus sula ndéanfar cinntí beartais, déanfaidh institiúidí an Aontais aird a thabhairt ar shaineolas Eurofound agus ar aon staidéir atá déanta aige sa réimse lena mbaineann nó a bhfuil sé in ann iad a dhéanamh, i gcomhréir le Rialachán (AE, Euratom) 2018/1046 ó Pharlaimint na hEorpa agus ón gComhairle¹¹.*
3. *Féadfaidh Eurofound comhaontuithe comhair a thabhairt i gcrích le gníomhaireachtaí ábhartha eile de chuid an Aontais chun comhar leo a éascú agus a chur chun cinn.*
4. Agus a chúraimí á ndéanamh aige, beidh idirphlé dlúth ag Eurofound go háirithe le comhlachtaí speisialaithe, bídís poiblí nó príobháideach, *náisiúnta nó idirnáisiúnta, le húdaráis phoiblí, le comhlachtaí acadúla agus taighde* agus le heagraíochtaí na bhfostóirí agus na bhfostaithe agus *le comhlachtaí tripháirteacha náisiúnta, i gcás inarb ann dóibh*. Déanfaidh *Eurofound*, gan dochar *dá chuspóirí ná dá chríocha, obair i gcomhar* le gníomhaireachtaí eile de chuid an Aontais **■**, *go háirithe EU-OSHA agus Cedefop*, agus sineirgíochtaí agus comhlántacht *lena* gcuid gníomhaíochtaí á gcur chun cinn, *agus aon dúbláil iarrachtaí á seachaint ag an am céanna*.

¹¹ Rialachán (AE, Euratom) 2018/1046 ó Pharlaimint na hEorpa agus ón gComhairle an 18 Iúil 2018 maidir leis na rialacha airgeadais is infheidhme maidir le buiséad ginearálta an Aontais, lena leasaítear Rialacháin (AE) Uimh. 1296/2013, (AE) Uimh. 1301/2013, (AE) Uimh. 1303/2013, (AE) Uimh. 1304/2013, (AE) Uimh. 1309/2013, (AE) Uimh. 1316/2013, (AE) Uimh. 223/2014, (AE) Uimh. 283/2014, agus Cinneadh Uimh. 541/2014/AE agus lena n-aisghairtear Rialachán (AE, Euratom) Uimh. 966/2012, (IO L 193, 30.7.2018, lch. 1).

CAIBIDIL II

EAGRÚ EUROFOUND

Airteagal 3

Struchtúr riaracháin agus bainistíochta

Is éard a bheidh i struchtúr riaracháin agus bainistíochta Eurofound:

- (a) Bord Bainistíochta;
- (b) Bord Feidhmiúcháin;
- (c) Stiúrtóir Feidhmiúcháin.

ROINN 1

AN BORD BAINISTÍOCHTA

Airteagal 4

Comhdhéanamh an Bhoird Bainistíochta

1. Beidh an Bord Bainistíochta comhdhéanta díobh seo a leanas:

- (a) comhalta amháin ó gach ceann de na Ballstáit a dhéanann ionadaíocht ar an rialtas;

- (b) comhalta amháin ó gach Ballstát a dhéanann ionadaíocht ar eagraíochtaí na bhfostóirí;
- (c) comhalta amháin ó gach Ballstát a dhéanann ionadaíocht ar eagraíochtaí na bhfostaithe;
- (d) triúr comhaltaí a dhéanann ionadaíocht ar an gCoimisiún;

(e) saineolaí neamhspleách amháin arna cheapadh ag Parlaimint na hEorpa.

Beidh ***ceart vótála*** ag ***gach duine*** de na comhaltaí dá dtagraítear i bpointí (a) go (d).

Is í an Chomhairle a cheapfaidh na comhaltaí dá dtagraítear i bpointí (a), (b) agus (c) ar bhonn iarrthóirí arna n-ainmniú, faoi seach, ag na Ballstáit agus ag eagraíochtaí Eorpacha na bhfostóirí agus eagraíochtaí Eorpacha sna bhfostaithe.

Is é an Coimisiún a cheapfaidh na comhaltaí ***dá dtagraítear i bpointe (d)***.

Is é an coiste freagrach Pharlaimint na hEorpa a cheapfaidh an saineolaí dá dtagraítear i bpointe (e).

2. Beidh comhalta malartach ag gach comhalta den Bhord Bainistíochta. Beidh an comhalta malartach mar ionadaí don chomhalta ina éagmais. Ceapfar **na** comhaltaí malartacha **i gcomhréir le mír 1.**
3. **Ainmneofar agus** ceapfar comhaltaí an Bhoird Bainistíochta agus a gcomhaltaí malartacha ar bhonn a gcuid eolais i réimse na mbeartas sóisialta agus oibre, ag cur san áireamh **a gcuid scileanna ábhartha, amhail** scileanna bainistíochta, riaracháin agus buiséadacha, **agus a gcuid saineolais i réimse phríomhchúraimí Eurofound, chun tabhairt faoi ról maoirseachta go héifeachtach. Féachfaidh** na páirtithe uile a mbeidh ionadaíocht acu ar an mBord Bainistíochta le ráta athrúcháin a n-ionadaithe a theorannú chun leanúnachas obair an Bhoird a áirithiú. Beidh sé d’aidhm ag na páirtithe uile ionadaíocht chothrom idir mná agus fir a bhaint amach ar an mBord Bainistíochta.
4. **Déanfaidh gach comhalta agus gach comhalta malartach ráiteas i scríbhinn a shíniú an tráth céanna a rachaidh sé nó sí in oifig á dhearbhu nach bhfuil coinbhleachtaí leasanna ann ina leith. Déanfaidh gach comhalta agus gach comhalta malartach a ráiteas a nuashonrú i gcás ina dtiocfaidh athrú ar imthosca maidir le haon choinbhleachtaí leasanna. Foilseoidh Eurofound na ráitis agus na nuashonruithe ar a shuíomh gréasáin.**

5. Ceithre bliana a bheidh i dtéarma oifige na gcomhaltaí agus na gcomhaltaí malartacha. Beidh an téarma sin *in-athnuaithe*. Nuair a thiocfaidh deireadh lena dtréimhse oifige nó i gcás ina n-éireoidh siad as oifig, fanfaidh comhaltaí agus comhaltaí malartacha in oifig go dtí go ndéanfar a gceapachán a athnuachan nó go gcuirfear comhaltaí nua ina n-ionad.
6. Ar an mBord Bainistíochta, beidh ionadaithe na rialtas, ionadaithe eagraíochtaí na bhfostóirí agus ionadaithe eagraíochtaí na bhfostaithe ina ngrúpaí. Ainmneoidh gach grúpa comhordaitheoir chun an plé a fheabhsú laistigh de na grúpaí agus eatarthu. Is é a bheidh i gcomhordaitheoirí ghrúpaí na bhfostóirí agus na bhfostaithe ionadaithe a n-eagraíochtaí Eorpacha faoi seach agus *féadfar* iad a ainmniú as measc na gcomhaltaí atá ceaptha ar an mBord *Bainistíochta*. Déanfaidh comhordaitheoirí nach bhfuil ceaptha ina gcomhaltaí den Bhord *Bainistíochta* i gcomhréir le mír 1 páirt a ghlacadh i ■ gcuinnithe an Bhoird Bainistíochta ach ní bheidh ceart vótála acu.

Airteagal 5

Feidhmeanna an Bhoird Bainistíochta

1. Déanfaidh an Bord Bainistíochta:

- (a) treoruithe ***straitéiseacha a sholáthar maidir le*** gníomhaíochtaí Eurofound; ■
- (b) doiciméad clársceidealaithe Eurofound, ***ina bhfuil clár ilbhliantúil agus clár oibre bliantúil Eurofound don bhliain dar gcionn, a ghlacadh gach bliain, trí thromlach dhá thrian de na comhaltaí a bhfuil ceart vótála acu agus i gcomhréir le hAirteagal 6;***
- (c) buiséad bliantúil Eurofound a ghlacadh trí thromlach dhá thrian de na comhaltaí ***a bhfuil ceart vótála acu*** agus feidhmeanna eile a fheidhmiú i dtaobh an bhuiséid sin de bhun Chaibidil III;
- (d) tuarascáil bhliantúil chomhdhlúite ar ghníomhaíochtaí a ghlacadh maille le measúnú ar ghníomhaíochtaí Eurofound, iad a chur, faoin 1 Iúil gach bliain, faoi bhráid Pharlaimint na hEorpa, na Comhairle, an Choimisiúin agus na Cúirte Iniúchóirí agus an tuarascáil bhliantúil chomhdhlúite ar ghníomhaíochtaí a chur ar fáil don phobal;

- (e) na rialacha airgeadais is infheidhme maidir le Eurofound a ghlacadh i gcomhréir le hAirteagal 17;
- (f) straitéis frithchialaoise a ghlacadh, atá comhréireach leis na rioscaí calaoise ag cur san áireamh costais agus tairbhí na mbeart atá le cur chun feidhme;
- (g) rialacha a ghlacadh maidir le coibhleachtaí leasanna a chosc agus a bhainistiú i dtaca lena chomhaltaí agus le saineolaithe neamhspleácha, ***agus freisin maidir le saineolaithe náisiúnta ar iasacht agus baill foirne eile nach bhfuil fostaithe ag Eurofound, dá dtagraítear in Airteagal 20;***
- (h) na pleananna cumarsáide agus scaipthe a ghlacadh agus a thabhairt cothrom le dáta ar bhonn rialta, bunaithe ar anailís ar na riachtanais, ***agus an méid sin a léiriú i ndoiciméad clársceidealaithe Eurofound;***
- (i) a rialacha nós imeachta a ghlacadh.

- (j) cumhachtaí an Údaráis Ceapacháin ***arna dtabhairt le Rialacháin Foirne Oifigigh an Aontais Eorpaigh agus*** cumhachtaí an Údaráis atá Cumhachtaithe chun Conradh Fostaíochta a Thabhairt i gCrích ***arna dtabhairt le Coinníollacha Fostaíochta Seirbhíseach Eile*** (‘cumhachtaí an údaráis ceapacháin’) a fheidhmiú, i gcomhréir le mír 2, i dtaca le foireann Eurofound;
- (k) rialacha cur chun feidhme oiriúnacha a ghlacadh chun éifeacht a thabhairt do na Rialacháin Foirne agus do Choinníollacha Fostaíochta Seirbhíseach Eile i gcomhréir le Airteagal 110 de na Rialacháin Foirne;
- (l) an Stiúrthóir Feidhmiúcháin a cheapadh agus, i gcás inarb iomchuí, síneadh a chur lena théarma oifige/lena téarma oifige nó é nó í a chur as oifig, i gcomhréir le hAirteagal 19;
- (m) Oifigeach Cuntasaíochta a cheapadh, faoi réir na Rialachán Foirne agus Coinníollacha Fostaíochta Seirbhíseach Eile, a bheidh go hiomlán neamhspleách i gcomhlíonadh a chuid nó a cuid dualgas;
- (n) ***rialacha nós imeachta an Bhoird Feidhmiúcháin a ghlacadh;***

(o) **Coistí Comhairleacha a bhunú agus a lánscoir i gcomhréir le hAirteagal 12, agus a rialacha nós imeachta a ghlacadh;**

(p) faireachán a dhéanamh go ndéantar obair leantach leordhóthanach i dtaca leis na torthaí agus na moltaí a eascróidh as na tuarascálacha agus meastóireachtaí iniúchóireachta inmheánacha nó seachtracha, agus as imscrúduithe de chuid na hOifige Eorpaí Frithchialaoise (OLAF);

■

(q) bunú socruithe **comhair le húdaráis inniúla tríú tíortha agus le heagraíochtaí idirnáisiúnta** a údarú i gcomhréir le hAirteagal 30.

2. Glacfaidh an Bord Bainistíochta, i gcomhréir le hAirteagal 110 de na Rialacháin Foirne, cinneadh bunaithe ar Airteagal 2(1) de na Rialacháin Foirne agus ar Airteagal 6 de Choinníollacha Fostaíochta Seirbhíseach Eile, lena ndéantar cumhachtaí ábhartha an údaráis ceapacháin a tharmligean chuig an Stiúrthóir Feidhmiúcháin agus **lena leagtar amach** na coinníollacha faoinar féidir an tarmligean cumhachtaí sin a chur ar fionraí. Beidh údarás ag an Stiúrthóir Feidhmiúcháin na cumhachtaí sin a fho-tharmligean.

I gcás inar gá déanamh amhlaidh mar gheall ar imthosca eisceachtúla, féadfaidh an Bord Bainistíochta ■ tarmligean chumhachtaí an údaráis ceapacháin chuig an Stiúrthóir Feidhmiúcháin agus na cinn arna bhfo-tharmligean ag an **Stiúrthóir Feidhmiúcháin a chur ar fionraí go sealadach. I gcásanna den sórt sin, déanfaidh an Bord Bainistíochta iad a tharmligean, ar feadh tréimhse theoranta, chuig duine d'ionadaithe an Choimisiúin a ainmneoidh sé** nó chuig duine den fhoireann taobh amuigh den Stiúrthóir Feidhmiúcháin.

Airteagal 6

Clársceidealú ilbhliantúil agus bliantúil

1. Gach bliain, déanfaidh an Stiúthóir Feidhmiúcháin, ***i gcomhréir*** le pointe (f) d’Airteagal 11(5), dréachtdoiciméad clársceidealaithe a tharraingt suas ina mbeidh clár oibre ilbhliantúil agus bliantúil ***i gcomhréir*** le hAirteagal 32 de **■** Rialachán *Tarmligthe* (AE) Uimh. 1271/2013 **■** .
2. ***Déanfaidh an Stiúthóir Feidhmiúcháin an dréachtdoiciméad*** clársceidealaithe dá dtagraítear i mír 1 ***a chur faoi bhráid an Bhoird Bainistíochta. Tar éis don Bhord Bainistíochta an dréachtdoiciméad clársceidealaithe a fhormheas, cuirfear faoi bhráid an Choimisiúin***, Parlaimint na hEorpa ***agus*** na Comhairle **■** é tráth nach déanaí ná an 31 Eanáir ***gach bliain. Tíolacfaidh an Stiúthóir Feidhmiúcháin aon*** leagan nuashonraithe den doiciméad sin i gcomhréir leis an nós imeachta céanna. ***Glacfaidh an Bord Bainistíochta an doiciméad agus tuairim an Choimisiúin á cur san áireamh.***

Tiocfaidh an doiciméad clársceidealaithe chun bheith cinntitheach tar éis ghlacadh críochnaitheach bhuiséad ginearálta an Aontais agus déanfar coigeartú air dá réir, más gá sin.

3. Leagfar amach sa chláir oibre ilbhliantúil an clársceidealú straitéiseach foriomlán lena n-áirítear cuspóirí, torthaí a bhfuiltear ag súil leo agus táscairí feidhmíochta, **agus forluí clársceidealaithe le gníomhaíochtaí eile á sheachaint**. Leagfar amach ann clársceidealú acmhainní freisin, lena n-áirítear an buiséad ilbhliantúil agus an fhoireann. Cuimseofar ann straitéis maidir le caidreamh le tríú tíortha agus le heagraíochtaí idirnáisiúnta i gcomhréir le hAirteagal 30, na gníomhaíochtaí a bhaineann leis an straitéis sin, agus sonrú na n-acmhainní gaolmhara.

■

4. Beidh an clár oibre bliantúil ■ **comhsheasmhach leis an gclár oibre ilbhliantúil dá dtagraítear i mír 3 agus** beidh an méid seo a leanas ann:

- (a) cuspóirí mionsonraithe chomh maith leis na torthaí a bhfuiltear ag súil leo, lena n-áirítear táscairí feidhmíochta;
- (b) ■ cur síos ar na gníomhaíochtaí atá le maoiniú, **lena n-áirítear bearta pleanáilte arb é is aidhm leo éifeachtúlacht a mhéadú;**

- (c) léiriú ar na hacmhainní airgeadais agus daonna arna leithdháileadh ar gach gníomhaíocht, i gcomhréir le prionsabail an bhuiséadaithe agus an bhainistithe de réir gníomhaíochtaí;
- (d) **gníomhaíochtaí a d'fhéadfaí a dhéanamh maidir leis an gcaidreamh le tríú tíortha agus le heagraíochtaí idirnáisiúnta i gcomhréir le hAirteagal 30.**

Sonrófar go soiléir ann na gníomhaíochtaí a cuireadh leis, a athraíodh nó a scriosadh i gcomparáid leis an mbliain airgeadais roimhe sin.

5. Leasóidh an Bord Bainistíochta an clár oibre bliantúil a glacadh i gcás *ina shannfar gníomhaíocht* nua do Eurofound. Féadfaidh an Bord Bainistíochta an chumhacht leasuithe neamhshubstaintiúla a dhéanamh ar an gclár oibre bliantúil a tharmligean chuig an Stiúrthóir Feidhmiúcháin.

Is i gcomhréir leis an nós imeachta céanna a úsáideadh don chlár oibre bliantúil tosaigh a ghlacfar aon leasú substaintiúil ar an gclár oibre bliantúil.

6. Tabharfar an clársceidealú acmhainní cothrom le dáta go bliantúil. Tabharfar an clársceidealú straitéiseach cothrom le dáta, i gcás inarb iomchuí agus, go háirithe, rachaidh sé i ngleic le toradh na meastóireachta dá dtagraítear in Airteagal 28.

Maidir le *gníomhaíocht* nua a shannadh do Eurofound ***chun na cúraimí a leagtar síos in Airteagal 2 a chomhlíonadh***, déanfar é sin agus aird á tabhairt ar a chlársceidealú acmhainní agus airgeadais, ***gan dochar do chumhachtaí Pharlaimint na hEorpa agus na Comhairle (“an t-údarás buiséadach”)***.

Airteagal 7

Cathaoirleach an Bhoird Bainistíochta

1. Toghfaidh an Bord Bainistíochta Cathaoirleach agus triúr Leas-Chathaoirligh mar seo a leanas:
 - (a) duine as *measc* na gcomhaltaí a dhéanann ionadaíocht ar rialtais na mBallstát;
 - (b) duine as *measc* na gcomhaltaí a dhéanann ionadaíocht ar eagraíochtaí na bhfostóirí;
 - (c) duine as *measc* na gcomhaltaí a dhéanann ionadaíocht ar eagraíochtaí na bhfostaithe; agus
 - (d) duine as *measc* na gcomhaltaí a dhéanann ionadaíocht ar an gCoimisiún.

Toghfar an Cathaoirleach agus na Leas-Chathaoirligh le tromlach dhá thrian de chomhaltaí an Bhoird Bainistíochta *a bhfuil an ceart vótála acu*.

2. Bliain *amháin* a bheidh i dtéarma oifige an Chathaoirligh agus an Leas-Chathaoirligh. *Beidh* a dtéarma oifige *in-athnuaithe*. I gcás ina dtiocfaidh deireadh lena gcomhaltas ar an mBord Bainistíochta tráth ar bith le linn a dtéarma oifige, rachaidh a dtéarma oifige in éag go huathoibríoch ar an dáta sin.

Airteagal 8

Cruinnithe an Bhoird Bainistíochta

1. Tionólfaidh an Cathaoirleach cruinnithe an Bhoird Bainistíochta.
2. Glacfaidh an Stiúrthóir Feidhmiúcháin páirt sa phlé ach ní bheidh an ceart vótála ag an té sin.
3. Beidh gnáthchruinniú amháin in aghaidh na bliana ag an mBord Bainistíochta. Ina theannta sin, tiocfaidh sé le chéile ar thionscnamh an Chathaoirligh, arna iarraidh sin don Choimisiún nó arna iarraidh sin do thrían de na comhaltaí ar a laghad.
4. Féadfaidh an Bord Bainistíochta iarraidh ar aon duine ar díol spéise a thuairim nó a tuairim freastal ar a chuid cruinnithe mar bhreathnadóir. ***Maidir le tíortha Chomhlachas Saorthrádála na hEorpa (CSTE) is páirtithe sa Chomhaontú ar an Limistéar Eorpach Eacnamaíoch (Comhaontú LEE), féadfaidh ionadaithe ó na tíortha sin freastal ar chruinnithe an Bhoird Bainistíochta mar bhreathnadóirí i gcás ina ndéantar foráil i gComhaontú LEE dá rannpháirtíocht i ngníomhaíochtaí Eurofound.***
5. Cuirfidh Eurofound an rúnaíocht ar fáil don Bhord Bainistíochta.

Airteagal 9

Rialacha vótála an Bhoird Bainistíochta

1. Gan dochar do phointí (b) agus (c) d’Airteagal 5(1), ***don dara fomhír d’Airteagal 7(1) agus d’Airteagal 19(7)***, déanfaidh an Bord Bainistíochta cinntí trí thromlach na gcomhaltaí a bhfuil an ***ceart vótála acu***.
2. Beidh aon vóta amháin ag gach comhalta ag a bhfuil an ***ceart vótála***. I gcás nach mbeidh comhalta áirithe ag a bhfuil an ceart vótála i láthair, beidh a chomhalta malartach i dteideal a cheart vótála nó a ceart vótála a fheidhmiú.
3. Glacfaidh an Cathaoirleach páirt sa vótáil.
4. Glacfaidh an Stiúrthóir Feidhmiúcháin páirt sa phlé ach ní bheidh an ceart vótála ag an té sin.
5. Le rialacha nós imeachta an Bhoird Bainistíochta, leagfar síos socruithe vótála níos mionsonraithe, go háirithe na cúinsí ina bhféadfaidh comhalta gníomhú thar ceann comhalta eile.

ROINN 2

AN BORD FEIDHMIÚCHÁIN

Airteagal 10

An Bord Feidhmiúcháin

1. Tabharfaidh Bord Feidhmiúcháin cúnaimh don Bhord Bainistíochta.
2. Déanfaidh an Bord Feidhmiúcháin:
 - (a) na cinntí atá le glacadh ag an mBord Bainistíochta a ullmhú;
 - (b) faireachán a dhéanamh, i gcomhar leis an mBord Bainistíochta, go ndéantar obair leantach leordhóthanach ar na torthaí agus na moltaí a eascróidh as na tuarascálacha agus meastóireachtaí iniúchóireachta inmheánacha nó seachtracha, agus imscrúduithe ■ de chuid OLAF;
 - (c) gan dochar d'fhreagrachtaí an Stiúrthóra Feidhmiúcháin, mar a leagtar amach in Airteagal 11, ■ comhairle a chur air nó uirthi, ***i gcás inar gá***, maidir le cinntí an Bhoird Bainistíochta a chur chun feidhme, d'fhonn an mhaoirseacht ar an mbainistíocht riaracháin agus bhuiséadach a threisiú.
3. I gcás inar gá, ar chúiseanna práinne, féadfaidh an Bord Feidhmiúcháin cinntí sealadacha áirithe a dhéanamh thar ceann an Bhoird Bainistíochta ■, lena n-áirítear cinntí maidir le tarmligean chumhachtaí an údarais ceapacháin a chur ar fionraí ***i gcomhréir leis na coinníollacha dá dtagraítear in Airteagal 5(2)*** agus maidir le cúrsaí buiséadacha.

4. Beidh an Bord Feidhmiúcháin comhdhéanta de Chathaoirleach an Bhoird Bainistíochta, an triúr Leas-Chathaoirligh, comhordaitheoirí na dtrí ghrúpa dá dtagraítear in Airteagal 4(6) agus ionadaí amháin ón gCoimisiún. Féadfaidh gach grúpa dá dtagraítear in Airteagal 4(6) suas le beirt chomhaltaí mhalartacha a ainmniú chun freastal ar chruinnithe an Bhoird Bainistíochta i gcás ina bhfuil comhalta arna cheapadh ag an ngrúpa ábhartha as láthair. Beidh Cathaoirleach an Bhoird Bainistíochta mar Chathaoirleach ar an mBord Feidhmiúcháin freisin. Glacfaidh an Stiúrthóir Feidhmiúcháin páirt i gcrúinnithe an Bhoird Feidhmiúcháin **ach ní bheidh** an ceart vótála ag an té sin.
5. Dhá bhliain a bheidh i dtéarma oifige chomhaltaí an Bhoird Feidhmiúcháin. Beidh an téarma sin **in-athnuaithe**. Tiocfaidh deireadh le téarma oifige comhalta de chuid an Bhoird Feidhmiúcháin ar an dáta a thiocfaidh deireadh lena chomhaltas nó lena chomhaltas ar an mBord Bainistíochta.
6. Tiocfaidh an Bord Feidhmiúcháin le chéile trí huair sa bhliain. **Ina theannta sin, tiocfaidh sé le chéile ar thionscnamh an** Chathaoirligh nó arna iarraidh sin dá chuid comhaltaí. Tar éis gach cruinnithe, **déanfaidh** comhordaitheoirí na dtrí ghrúpa dá dtagraítear in Airteagal 4(6) **a ndícheall comhaltaí a ngrúpa féin a chur ar an eolas, ar bhealach tráthúil agus trédhearcach, faoin méid is ábhar don phlé.**



ROINN 3

AN STIÚRTHÓIR FEIDHMIÚCHÁIN

Airteagal 11

Freagrachtaí an Stiúrthóra Feidhmiúcháin

1. Beidh an Stiúrthóir Feidhmiúcháin **freagrach as bainistiú** Eurofound **i gcomhréir leis an treoir straitéiseach a leagann an Bord Bainistíochta amach**, agus beidh an té sin freagrach don Bhord Bainistíochta.
2. Gan dochar do chumhachtaí an Choimisiúin, an Bhoird Bainistíochta, agus an Bhoird Feidhmiúcháin, beidh an Stiúrthóir Feidhmiúcháin neamhspleách i bhfeidhmiú na ndualgas agus ní iarrfaidh sé nó sí treoracha ar aon rialtas ná ar aon chomhlacht eile ná ní thógfaidh sé nó sí aon treoracha ó aon rialtas **ná** ó aon chomhlacht eile.
3. Tabharfaidh an Stiúrthóir Feidhmiúcháin tuairisc do Pharlaimint na hEorpa maidir le comhlíonadh a dhualgas nó a dualgas i gcás ina n-iarrtar sin air nó uirthi. Féadfaidh an Chomhairle iarraidh ar an Stiúrthóir Feidhmiúcháin tuairisc a thabhairt maidir le comhlíonadh a dhualgas nó a dualgas.
4. Gníomhóidh an Stiúrthóir Feidhmiúcháin mar ionadaí dlíthiúil Eurofound.

5. Beidh an Stiúrthóir Feidhmiúcháin freagrach as cur chun feidhme na gcúraimí arna sannadh do Eurofound faoin Rialachán seo. Go háirithe ■ , beidh an Stiúrthóir Feidhmiúcháin freagrach as an méid seo a leanas:
- (a) riarachán Eurofound ó lá go lá, ***lena n-áirítear na cumhachtaí a chuirtear de chúram air nó uirthi i dtaca le cúrsaí foirne a fheidhmiú, i gcomhréir le hAirteagal 5(2);***
 - (b) cinntí arna nglacadh ag an mBord Bainistíochta a chur chun feidhme;
 - (c) ***cinntí a dhéanamh maidir le bainistiú acmhainní daonna, i gcomhréir leis an gcinneadh dá dtagraítear in Airteagal 5(2);***
 - (d) ***á chur san áireamh na riachtanais a bhaineann le gníomhaíochtaí Eurofound agus bainistíocht fhóna airgeadais, struchtúir inmheánacha Eurofound a chinneadh agus, i gcás inar gá, maidir lena leasú;***
 - (e) ***an Leas-Stiúrthóir, a thabharfaidh tacaíocht don Stiúrthóir Feidhmiúcháin feidhmeanna agus gníomhaíochtaí Eurofound a chur i gcrích, a roghnú agus a cheapadh;***
 - (f) an doiciméad clársceidealaithe a ullmhú agus é a chur faoi bhráid an Bhoird Bainistíochta tar éis dul i gcomhairle leis an gCoimisiún;
 - (g) an doiciméad clársceidealaithe a chur chun feidhme agus tuairisc a thabhairt don Bhord Bainistíochta maidir lena chur chun feidhme;
 - (h) an tuarascáil bhliantúil chomhdhlúite ar ghníomhaíochtaí Eurofound a ullmhú agus í a chur faoi bhráid an Bhoird Bainistíochta lena measúnú agus lena glacadh;

- (i) *córas faireacháin éifeachtach a bhunú le gur féidir na meastóireachtaí rialta dá dtagraítear in Airteagal 28 a dhéanamh, mar aon le córas tuairiscithe chun achoimre a dhéanamh ar na torthaí a bhíonn orthu;*
- (j) *dréachtrialacha airgeadais is infheidhme maidir le Eurofound a ullmhú;*
- (k) *dréachtráiteas Eurofound ar a mheastacháin ioncaim agus chaiteachais, mar chuid de dhoiciméad clárseidealaithe Eurofound, a ullmhú; agus buiséad Eurofound a chur chun feidhme;*
- (l) *plean gníomhaíochta a ullmhú ina ndéanfar obair leantach ar chonclúidí tuarascálacha agus meastóireachtaí iniúchóireachta inmheánacha nó seachtracha, mar aon le himscrúduithe arna ndéanamh ag OLAF agus tuairisc a thabhairt ar dhul chun cinn dhá uair sa bhliain don Choimisiún agus go tráthrialta don Bhord Bainistíochta agus don Bhord Feidhmiúcháin;*
- (m) *féachaint le cothromaíocht inscne a áirithiú in Eurofound;*
- (n) *leasanna airgeadais an Aontais a chosaint trí bhearta coisctheacha a chur i bhfeidhm i gcoinne na calaoise, an éillithe agus aon ghníomhaíochtaí neamhdhleathacha eile, trí sheiceálacha éifeachtacha a dhéanamh agus, má bhraitear neamhrialtachtaí, trí mhéideanna a íocadh go mícheart a ghnóthú agus, i gcás inarb iomchuí, trí phionóis riaracháin agus airgeadais a ghearradh a bheidh éifeachtach, comhréireach agus athchomhairleach;*
- (o) *straitéis frithchhalaoise le haghaidh Eurofound a ullmhú agus í a chur faoi bhráid an Bhoird Bainistíochta lena formheas;*
- (q) *i gcás inarb ábhartha, comhar a dhéanamh le gníomhaireachtaí eile de chuid an Aontais agus comhaontuithe comhair a thabhairt i gcrích leo.*

6. Beidh an Stiúrthóir Feidhmiúcháin freagrach freisin as cinneadh a dhéanamh an gá, chun críocha cúraimí Eurofound a dhéanamh ar dhóigh éifeachtúil éifeachtach, ***oifig idirchaidrimh*** a bhunú ***sa Bhruiséil chun comhar Eurofound le hinstitiúidí ábhartha an Aontais a chothú tuilleadh***. I gcás an chinnidh sin, caithfear réamhthoilíú a fháil ***ón*** gCoimisiún, ón mBord Bainistíochta agus ón mBallstát ábhartha. Leis an gcinneadh sin, sonrófar raon feidhme na ngníomhaíochtaí ***a dhéanfaidh*** an oifig ***idirchaidrimh*** sin ar dhóigh a sheachnóidh costais neamhriachtanacha agus aon dúbláil fheidhmeanna riaracháin Eurofound.

ROINN 4: COISTÍ COMHAIRLEACHA

Airteagal 12

Coistí Comhairleacha

1. **Féadfaidh** an Bord Bainistíochta Coistí Comhairleacha a bhunú i gcomhréir leis na réimsí beartais tosaíochta a leagtar amach i ndoiciméid chlársceidealaithe Eurofound.
2. Beidh Coistí Comhairleacha ina gcomhlachtaí oibriúcháin a bhunaítear chun cáilíocht an taighde a dhéanann Eurofound a áirithiú, chomh maith le húinéireacht fhairsing ar na tionscādail agus ar a dtorthaí a áirithiú, trí rannpháirtíocht i gcur chun feidhme chlár Eurofound a chothú agus trí chomhairle agus ionchur nua a thabhairt.
3. I gcomhairle leis an mBord Bainistíochta agus leis an mBord Feidhmiúcháin, déanfaidh Coistí Comhairleacha na príomhfheidhmeanna seo a leanas maidir le tionscādail taighde:
 - (a) comhairle a thabhairt maidir lena gceapadh agus lena gcur chun feidhme;
 - (b) faireachán a dhéanamh ar an dul chun cinn i ndáil lena gcur chun feidhme;
 - (c) meastóireacht a dhéanamh ar a dtorthaí;
 - (d) comhairle a thabhairt maidir le torthaí a scaipeadh.
4. **■** Déanfaidh comhordaitheoirí na ngrúpaí dá dtagraítear in Airteagal 4(6) maoirseacht ar ainmniú agus ar rannpháirtíocht chomhaltaí na gCoistí Comhairleacha i gcomhréir le rialacha nós imeachta an Bhoird Bainistíochta.
5. Féadfaidh an Bord Bainistíochta na Coistí Comhairleacha arna mbunú de bhun mhír 1 a lánscoir, i gcomhréir leis na tosaíochtaí atá leagtha amach i ndoiciméid chlársceidealaithe Eurofound.

CAIBIDIL III

FORÁLACHA AIRGEADAIS

Airteagal 13

Buiséad

1. Ullmhófar meastacháin ar ioncam agus ar chaiteachas uile Eurofound gach bliain airgeadais ■ agus léireofar i mbuiséad Eurofound iad. ***Comhfhreagróidh an bhliain airgeadais*** don bhliain féilire ■ .
2. Beidh buiséad Eurofound comhordaithe i dtéarmaí ioncaim agus caiteachais araon.
3. Gan dochar d’acmhainní eile, beidh ar áireamh in ioncam Eurofound:
 - (a) ranníocaíocht ón Aontas a chuirfear isteach i mbuiséad ginearálta an Aontais Eorpaigh;
 - (b) aon ranníocaíocht airgeadais dheonach ó na Ballstáit;
 - (c) táillí ar fhoilseacháin agus ar aon seirbhísí eile a sholáthraíonn Eurofound;
 - (d) aon ranníocaíocht ó thríú tíortha a rannchuideoidh le hobair Eurofound, dá bhforáiltear in Airteagal 30;
4. Cuirfear luach saothair na foirne, costais riaracháin agus bonneagair, agus caiteachas oibríochtúil san áireamh i gcaiteachas Eurofound.

Airteagal 14
An buiséad a bhunú

1. Gach bliain, tarraingeoidh an Stiúrthóir Feidhmiúcháin suas dréachtmheastachán sealadach ar ioncam agus caiteachas Eurofound don bhliain airgeadais dár gcionn, lena n-áirítear an plean bunaíochta, agus cuirfidh sé chuig an mBord Bainistíochta é.

Beidh an dréachtmheastachán sealadach bunaithe ar chuspóirí agus ar na torthaí a bhfuiltear ag súil leo i dtaca leis an doiciméad clársceidealaithe bliantúil dá dtagraítear in Airteagal 6(1) agus cuirfear san áireamh ann na hacmhainní airgeadais is gá chun na cuspóirí agus na torthaí sin a bhfuiltear ag súil leo a bhaint amach, i gcomhréir le prionsabal an bhuiséadaithe ar bhonn feidhmíochta.

2. Ar bhonn ***an dréachtmheastacháin*** shealadaigh, glacfaidh an Bord Bainistíochta dréachtmheastachán ar ioncam agus ar chaiteachas Eurofound don bhliain airgeadais dár gcionn, ***agus seolfaidh sé chuig an gCoimisiún é faoin 31 Eanáir gach bliain.***
3. Cuirfidh an Coimisiún an dréachtmheastachán chuig an údarás buiséadach maille le dréachtbhuiséad ginearálta an Aontais. ***Cuirfear na dréachtmheastacháin ar fáil do Eurofound freisin.***
4. Ar bhonn na ndr éachtmheastachán, cuirfidh an Coimisiún i ndr éachtbhuiséad ginearálta an Aontais Eorpaigh an meastachán sin a mheasann sé is gá don phlean bunaíochta agus méid na ranníocaíochta a dhéanfar a mhuirearú ar an mbuiséad ginearálta, agus cuirfidh sé faoi bhráid an údaráis buiséadaigh iad i gcomhréir le hAirteagail 313 agus 314 den Chornradh ar Fheidhmiú an Aontais Eorpaigh (***CFAE***).
5. Údaróidh an t-údarás buiséadach na leithreasuithe don ranníocaíocht ***ó bhuiséad ghinearálta an Aontais*** le Eurofound.
6. Glacfaidh an t-údarás buiséadach plean bunaíochta Eurofound.

7. Is é an Bord Bainistíochta a ghlacfaidh buiséad Eurofound. Tiocfaidh sé chun bheith cinntitheach tar éis ghlacadh críochnaitheach bhuiséad ginearálta an Aontais agus, más gá, déanfar coigeartú air dá réir. ***Aon mhodhnú ar bhuiséad Eurofound, lena n-áirítear an plean bunaíochta, glacfar é i gcomhréir leis an nós imeachta céanna.***
8. I gcás aon tionscadail tógála ar dócha go mbeadh impleachtaí móra aige ar bhuiséad Eurofound, beidh feidhm ag **■** Rialachán Tarmligthe (AE) Uimh. 1271/2013 maidir leis.

Airteagal 15

An buiséad a chur chun feidhme

1. Cuirfidh an Stiúrthóir Feidhmiúcháin buiséad Eurofound chun feidhme.
2. Gach bliain, déanfaidh an Stiúrthóir Feidhmiúcháin an fhaisnéis uile is ábhartha maidir le torthaí na nósanna imeachta meastóireachta a chur chuig an údarás buiséadach.

Airteagal 16

Na cuntais a thíolacadh agus a urscaoileadh

1. Seolfaidh oifigeach cuntasáíochta **Eurofound** na cuntais shealadacha **don bhliain airgeadais (bliain N)** chuig Oifigeach Cuntasáíochta an Choimisiúin agus chuig an gCúirt Iniúchóirí **faoin 1 Márta an bhliain airgeadais dár gcionn (bliain N + 1)**.
2. Seolfaidh **Eurofound** tuarascáil ar an mbainistíocht bhuiséadach agus airgeadais **do bhliain N** chuig Parlaimint na hEorpa, chuig an gComhairle, **chuig an gCoimisiún** agus chuig an gCúirt Iniúchóirí **faoin 31 Márta de bhliain N + 1**.
3. Seolfaidh oifigeach cuntasáíochta an Choimisiúin cuntais shealadacha Eurofound **do bhliain N**, agus iad comhdhlúite le cuntais an Choimisiúin, chuig an gCúirt Iniúchóirí **faoin 31 Márta de bhliain N + 1**.
4. Tar éis don **oifigeach cuntasáíochta** barúlacha na Cúirte Iniúchóirí maidir le cuntais shealadacha Eurofound **do bhliain N** a fháil, de bhun Airteagal 246 de **Rialachán (AE, Euratom) Uimh. 2018/1046**, tarraingeoidh sé nó sí suas cuntais chríochnaitheacha Eurofound **don bhliain sin. Cuirfidh an Stiúrthóir Feidhmiúcháin** faoi bhráid an Bhoird Bainistíochta iad chun tuairim a fháil.
5. Tabharfaidh an Bord Bainistíochta tuairim uaidh maidir le cuntais chríochnaitheacha Eurofound **do bhliain N**.

6. Faoin 1 Iúil *de bhliain N + 1*, déanfaidh oifigeach cuntasáíochta Eurofound na cuntais chríochnaitheacha *do bhliain N*, in éineacht le tuairim an Bhoird Bainistíochta, a chur ar aghaidh chuig Parlaimint na hEorpa, chuig an gComhairle, chuig an gCoimisiún agus chuig an gCúirt Iniúchóirí.
7. Foilseofar na cuntais deiridh *do bhliain N* in *Iris Oifigiúil an Aontais Eorpaigh* faoin 15 Samhain de bhliain *N + 1*.
8. **Faoin 30 Meán Fómhair de bhliain N + 1**, seolfaidh an Stiúrthóir Feidhmiúcháin freagra **chuig** an gCúirt Iniúchóirí **ar na** barúlacha **arna ndéanamh ina thuarascáil bhliantúil**. Cuirfidh an Stiúrthóir Feidhmiúcháin **an** freagra sin chuig an mBord Bainistíochta freisin.
9. Cuirfidh an Stiúrthóir Feidhmiúcháin, ar iarraidh ó Pharlaimint na hEorpa, aon fhaisnéis is gá faoina bráid chun an nós imeachta urscaoilte a chur i bhfeidhm go rianúil do bhliain N, i gcomhréir le *hAirteagal 109(3)* de *Rialachán Tarmligthe (AE) Uimh. 1271/2013*.
10. Déanfaidh Parlaimint na hEorpa, ar mholadh ón gComhairle ag gníomhú di trí thromlach cáilithe, urscaoileadh a thabhairt don Stiúrthóir Feidhmiúcháin roimh an 15 Bealtaine de bhliain *N + 2* i dtaca le cur chun feidhme an bhuiséid do bhliain N.

Airteagal 17

Rialacha airgeadais

Déanfaidh an Bord Bainistíochta na rialacha airgeadais is infheidhme maidir le Eurofound a ghlacadh tar éis dó dul i gcomhairle leis an gCoimisiún. Ní imeoidh siad ó Rialachán *Tarmligthe (AE) Uimh. 1271/2013* ach amháin má tá gá leis an imeacht sin go sonrath d'fheidhmiú Eurofound agus má tá toiliú tugtha ag an gCoimisiún roimh ré.

CAIBIDIL IV

AN FHOIREANN

Airteagal 18

Forálacha ginearálta

1. Beidh feidhm ag na Rialacháin Foirne agus ag Coinníollacha Fostaíochta Seirbhíseach Eile agus ag na rialacha arna nglacadh trí chomhaontú idir institiúidí an Aontais chun éifeacht a thabhairt do na Rialacháin Foirne sin agus do Choinníollacha Fostaíochta Seirbhíseach Eile maidir le foireann Eurofound.
2. Déanfaidh an Bord Bainistíochta rialacha iomchuí cur chun feidhme a ghlacadh chun éifeacht a thabhairt do na Rialacháin Foirne agus do Choinníollacha Fostaíochta Seirbhíseach Eile i gcomhréir le hAirteagal 110 de na Rialacháin Foirne.

Airteagal 19

An Stiúrtóir Feidhmiúcháin

1. Beidh an Stiúrtóir Feidhmiúcháin ina bhall foirne nó ina ball foirne agus is mar ghníomhaire sealadach de Eurofound a fhostófar é nó í faoi phointe (a) d'Airteagal 2 de Choinníollacha Fostaíochta Seirbhíseach Eile.

2. Is é an Bord Bainistíochta a cheapfaidh an Stiúrthóir Feidhmiúcháin ó liosta iarrthóirí a mholfaidh an Coimisiún tar éis nós imeachta roghnúcháin oscailte agus trédhearcach a bheith ann.

Iarrfar ar an iarrthóir a roghnaítear ráiteas a dhéanamh os comhair Pharlaimint na hEorpa agus ceisteanna ó Fheisirí de Pharlaimint na hEorpa a fhreagairt. Ní chuirfear moill mhíchuí ar an gceapadh de bharr an mhalartaithe tuairimí sin.

Chun an Conradh a thabhairt i gcrích leis an Stiúrthóir Feidhmiúcháin, déanfaidh Cathaoirleach an Bhoird Bainistíochta ionadaíocht do Eurofound.

3. Cúig bliana a bheidh i dtéarma oifige an Stiúrthóra Feidhmiúcháin. **Roimh** dheireadh na tréimhse sin, déanfaidh an Coimisiún measúnú ina gcuirfear san áireamh meastóireacht ar fheidhmíocht an Stiúrthóra Feidhmiúcháin agus ar chúraimí agus dúshláin Eurofound amach anseo.
4. Féadfaidh an Bord Bainistíochta, **ag cur** san áireamh dó an measúnú dá dtagraítear i mír 3, síneadh a chur le téarma oifige an Stiúrthóra Feidhmiúcháin uair amháin, go ceann cúig bliana ar a mhéad.
5. I gcás inar cuireadh síneadh le téarma oifige Stiúrthóra Feidhmiúcháin, ní ghlacfaidh sé nó sí páirt i nós imeachta roghnúcháin eile don phost céanna ag deireadh na tréimhse foriomláine.

6. Ní fhéadfar an Stiúrthóir Feidhmiúcháin a chur as oifig ach amháin ar chinneadh ón mBord Bainistíochta. ***Sa chinneadh uaidh, tabharfaidh an Bord Bainistíochta aird ar mheasúnú an Choimisiúin ar fheidhmíocht an Stiúrthóra Feidhmiúcháin, dá dtagraítear i mír 3.***
7. Is le tromlach dhá thrian na gcomhaltaí ***a bhfuil an ceart vótála acu*** a dhéanfaidh an Bord Bainistíochta cinntí faoi cheapadh, faoi shíneadh téarma oifige agus faoi chur as oifig an Stiúrthóra Feidhmiúcháin.

Airteagal 20

Saineolaithe náisiúnta ar iasacht agus baill foirne eile

1. Féadfaidh Eurofound leas a bhaint as saineolaithe náisiúnta ar iasacht nó as baill foirne eile nach fostaithe de chuid Eurofound iad.
2. Glacfaidh an Bord Bainistíochta cinneadh lena leagfar síos rialacha maidir le saineolaithe náisiúnta a thabhairt ar iasacht do Eurofound.

CAIBIDIL V

FORÁLACHA GINEARÁLTA

Airteagal 21

Stádas dlíthiúil

1. Gníomhaireacht de chuid an Aontais a bheidh in Eurofound. Beidh pearsantacht dhlítheanach aige.
2. I ngach ceann de na Ballstáit, beidh ag Eurofound an inniúlacht dhlítheanach is fairsinge atá ar fáil faoin dlí *náisiúnta* ag daoine dlítheanacha. Féadfaidh sé, go háirithe, maoin shochorraithe agus maoin dhochorraithe a fháil agus a dhiúscairt agus féadfaidh sé a bheith ina pháirtí in imeachtaí dlíthiúla.
3. Is i mBaile Átha Cliath a bheidh suíomh Eurofound.
4. Féadfaidh Eurofound *oifig idirchaidrimh* a bhunú *sa Bhruiséil chun an comhar a dhéanann Eurofound le hinstiúidí ábhartha an Aontais a chothú tuilleadh* i gcomhréir le hAirteagal 11(6).

Airteagal 22
Pribhléidí agus díolúintí

Beidh feidhm ag Prótacal *Uimh. 7* ar Phribhléidí agus Díolúintí an Aontais Eorpaigh maidir le Eurofound agus a bhail foirne.

Airteagal 23
Socrúithe teanga

1. Beidh feidhm ag na forálacha a leagtar síos i Rialachán Uimh. 1¹² maidir le Cedefop.
2. Is é an tIonad Aistriúcháin a sholáthróidh na seirbhísí aistriúcháin is gá chun go bhfeidhmeoidh Eurofound.

¹² Rialachán Uimh. 1 ón gComhairle lena gcinntear na teangacha atá le húsáid ag Comhphobal Eacnamaíochta na hEorpa (*IO 17, 6.10.1958, lch. 385*).

Airteagal 24

Trédhearcacht agus cosaint sonraí

1. **Cuirfidh Eurofound a gníomhaíochtaí i gcrích le hardleibhéal trédhearcachta.**
2. Beidh feidhm ag Rialachán (CE) Uimh. 1049/2001 ó Pharlaimint na hEorpa agus ón gComhairle¹³ maidir le doiciméid atá i seilbh Eurofound.
3. Laistigh de shé mhí tar éis dháta a chéad chruinnithe, glacfaidh an Bord Bainistíochta na rialacha mionsonraithe chun Rialachán (CE) Uimh. 1049/2001 a chur i bhfeidhm.
4. Beidh an phróiseáil a dhéanann Eurofound ar shonraí pearsanta faoi réir **Rialachán (AE) Uimh. 2018/1725 ó Pharlaimint na hEorpa agus ón gComhairle¹⁴**. Laistigh de shé mhí tar éis dháta a chéad chruinnithe, bunóidh an Bord Bainistíochta síos bearta maidir le cur i bhfeidhm Rialachán (AE) 2018/1725 ag Eurofound, lena n-áirítear bearta a bhaineann le hOifigeach Cosanta Sonraí a cheapadh. Bunófar na bearta sin tar éis dul i gcomhairle leis an Maoirseoir Eorpach ar Chosaint Sonraí.

¹³ Rialachán (CE) Uimh. 1049/2001 ó Pharlaimint na hEorpa agus ón gComhairle an 30 Bealtaine 2001 maidir le rochtain phoiblí ar dhoiciméid ó Pharlaimint na hEorpa, ón gComhairle agus ón gCoimisiún (IO L 145, 31.5.2001, lch. 43).

¹⁴ **Rialachán (AE) 2018/1725 ó Pharlaimint na hEorpa agus ón gComhairle an 23 Deireadh Fómhair 2018 maidir le daoine nádúrtha a chosaint i ndáil le sonraí pearsanta a phróiseáil ag institiúidí, comhlachtaí, oifigí agus gníomhaireachtaí an Aontais agus maidir le saorghluaiseacht sonraí den sórt sin, agus lena n-aisghairtear Rialachán (CE) Uimh. 45/2001 agus Cinneadh Uimh. 1247/2002/CE (IO L 295, 21.11.2018, p. 39).**

Airteagal 25
Calaois a chomhrac

1. Chun ***an comhrac in aghaidh*** na calaoise, an éillithe agus ***aon*** ghníomhaíochtaí ***neamhdhleathacha eile*** a éascú faoi Rialachán (***AE, Euratom***) ***Uimh. 883/2013 ó Pharlaimint na hEorpa agus ón gComhairle***¹⁵, aontóidh Eurofound, ***faoin ...***[sé mhí tar éis dháta theacht i bhfeidhm an Rialacháin seo], do Chomhaontú Idirinstitiúideach an 25 Bealtaine 1999 ***idir Parlaimint na hEorpa, Comhairle an Aontais Eorpaigh agus Coimisiún na gComhphobal Eorpach*** maidir le himscrúduithe inmheánacha arna ndéanamh ag **█** OLAF¹⁶ agus ***glacfaidh*** sé na forálacha iomchuí is infheidhme maidir lena fhostaithe uile, ag úsáid an teimpléid a leagtar amach san Iarscríbhinn a ghabhann leis an gComhaontú sin.
2. Beidh cumhacht iniúchóireachta ag an gCúirt Iniúchóirí **█** iniúchtaí a dhéanamh, ar bhonn doiciméad agus ***cigireachtaí ar an láthair***, ar gach tairbhí deontais, ar gach conraitheoir agus ar gach fochonraitheoir a fuair cistí Aontais ó Eurofound.

¹⁵ ***Rialachán (AE, Euratom) Uimh. 883/2013 ó Pharlaimint na hEorpa agus ón gComhairle an 11 Meán Fómhair 2013 maidir le himscrúduithe arna ndéanamh ag an Oifig Eorpach Frith-Chalaoise (OLAF) agus lena n-aisghairtear Rialachán (CE) Uimh. 1073/1999 ó Pharlaimint na hEorpa agus ón gComhairle agus Rialachán (Euratom) Uimh. 1074/1999 ón gComhairle (IO L 248, 18.9.2013, lch. 1).***

¹⁶ ***IO L 136, 31.5.1999, lch. 15.***

3. Féadfaidh OLAF imscrúduithe a dhéanamh, lena n-áirítear seiceálacha agus cigireachtaí ar an láthair, i gcomhréir leis na forálacha agus na nósanna imeachta a leagtar síos i Rialachán (AE, Euratom) Uimh. 883/2013 agus i Rialachán (Euratom, CE) Uimh. 2185/96 *ón gComhairle*¹⁷ d'fhonn a shuí ar tharla calaois, éilliú nó aon ghníomhaíocht neamhdhleathach eile a dhéanann difear do leasanna airgeadais an Aontais i ndáil le *comhaontú* deontais *nó le cinneadh deontais* nó conradh arna mhaoiniú ag Eurofound,
4. Gan dochar do mhíreanna 1, 2 ná 3, beidh forálacha i gcomhaontuithe comhair le tríú tíortha agus le heagraíochtaí idirnáisiúnta, i gconarthaí, i gcomhaontuithe deontais agus i gcinntí deontais Eurofound, ar forálacha iad lena dtabharfar an chumhacht go sainráite don Chúirt Iniúchóirí agus do OLAF iniúchtaí agus imscrúduithe den sórt sin a dhéanamh i gcomhréir lena gcuid inniúlachtaí faoi seach.

¹⁷ *Rialachán (Euratom, CE) Uimh. 2185/96 ón gComhairle an 11 Samhain 1996 maidir le seiceálacha agus cigireachtaí ar an láthair arna ndéanamh ag an gCoimisiún chun leasanna airgeadais na gComhphobal Eorpach a chosaint i gcoinne na calaoise agus neamhrialtachtaí eile (IO L 292, 15.11.1996, lch. 2).*

Airteagal 26

Rialacha slándála maidir le faisnéis rúnaicmithe agus faisnéis íogair neamh-rúnaicmithe a chosaint

Glacfaidh Eurofound rialacha slándála a bheidh coibhéiseach le rialacha slándála an Choimisiúin chun Faisnéis Rúnaicmithe an Aontais Eorpaigh (FRAE) agus faisnéis íogair neamh-rúnaicmithe a chosaint, a leagtar amach i gCinntí (AE, Euratom) 2015/443 agus 2015/444 **█**, i gcás inar gá. Cuimseofar le rialacha slándála Eurofound, inter alia agus i gcás inar gá, forálacha maidir le faisnéis den sórt sin a mhalartú, a phróiseáil agus a stóráil.

Airteagal 27

Dliteanas

1. Beidh dliteanas conarthach Eurofound faoi rialú ag an dlí is infheidhme maidir leis an gconradh atá i gceist.
2. Beidh dlínse ag Cúirt Bhreithiúnais an Aontais Eorpaigh (an Chúirt Bhreithiúnais) breith a thabhairt de bhun aon chlásail eadrána a bheidh i gconradh arna thabhairt i gcrích ag Eurofound.
3. I gcás dliteanas neamhchonarthach, déanfaidh Eurofound, i gcomhréir leis na prionsabail ghinearálta is coiteann do dhlíthe na mBallstát, aon damáiste a shlánú a raibh a ranna nó a bhaill foirne féin ina siocair leis i gcomhlíonadh a gcuid dualgas.

4. Beidh dlínse ag an gCúirt Bhreithiúnais *maidir leis an* gcúiteamh i ndamáiste dá dtagraítear i mír 3.
5. Beidh dlíteanas pearsanta a fhoirne i leith Eurofound faoi rialú ag na forálacha a leagtar síos sna Rialacháin Foirne agus *i* gCoinníollacha Fostaíochta *Seirbhíseach Eile*.

Airteagal 28
Meastóireacht

1. *I gcomhréir le hAirteagal 29(5) de Rialachán Tarmligthe (AE) Uimh. 1271/2013, déanfaidh Eurofound meastóireachtaí ex ante agus meastóireachtaí ex post ar na cláir agus na gníomhaíochtaí sin lena ngabhann caiteachas suntasach.*
2. *Faoin ... [5 bliana tar éis dháta theacht i bhfeidhm an Rialacháin seo], agus gach cúig bliana ina dhiaidh sin, áiritheoidh an Coimisiún go ndéanfar meastóireacht i gcomhréir le treoirlínte an Choimisiúin chun feidhmíocht Eurofound a mheasúnú ó thaobh a chuspóirí, a shainordaithe agus a chúraimí de. Rachaidh an Coimisiún i gcomhairle le comhaltaí an Bhoird Bainistíochta agus leis na príomhpháirtithe leasmhara eile le linn a mheastóireachta. Tabharfar aghaidh sa mheastóireacht sin, go háirithe, ar an ngá a d'fhéadfadh a bheith le sainordú Eurofound a leasú, agus ar na himpleachtaí airgeadais a d'fhéadfadh a bheith ag aon leasú den sórt sin.*

3. Déanfaidh an Coimisiún tuarascáil do Pharlaimint na hEorpa, don Chomhairle agus don Bhord Bainistíochta ar thorthaí na meastóireachta. Poibleofar torthaí na meastóireachta.

Airteagal 29

Imscrúduithe riaracháin

Beidh gníomhaíochtaí Eurofound faoi réir fhiosrúcháin an Ombudsman Eorpaigh i gcomhréir le hAirteagal 228 *CFAE*.

Airteagal 30

Comhar le tríú tíortha agus le heagraíochtaí idirnáisiúnta

1. A mhéid is gá chun na cuspóirí a leagtar amach sa Rialachán seo a bhaint amach, agus gan dochar d'inniúlachtaí na mBallstát agus institiúidí an Aontais faoi seach, féadfaidh Eurofound dul i gcomhar le húdaráis inniúla tríú tíortha **agus** le heagraíochtaí idirnáisiúnta.

Chuige sin, féadfaidh Eurofound, faoi réir **údarú an Bhoird Bainistíochta agus tar éis formheas a fháil ón** gCoimisiún, socrúithe oibre a bhunú le húdaráis inniúla tríú tíortha agus le heagraíochtaí idirnáisiúnta. Ní chruthófar oibleagáidí dlíthiúla ar an Aontas ná ar na Ballstáit mar gheall ar na socrúithe sin.

2. Beidh Eurofound oscailte do rannpháirtíocht tríú tíortha a bhfuil comhaontuithe déanta chuige sin déanta acu leis an Aontas.

Faoi fhorálacha ábhartha na gcomhaontuithe dá dtagraítear *sa chéad fhomhír*, forbrófar socruithe lena sonrú, go háirithe, cineál, méid agus modh rannpháirtíocht na dtríú tíortha lena mbaineann in obair Eurofound, lena n-áirítear forálacha a bhaineann le rannpháirtíocht i dtionscnaimh a dhéanann Eurofound, le ranníocaíochtaí airgeadais agus le cúrsaí foirne. I dtaca le cúrsaí foirne, comhlíonfaidh na socruithe sin na Rialacháin Foirne i gcás ar bith.

3. Glacfaidh an Bord Bainistíochta straitéis i gcomhair caidreamh le tríú tíortha agus le heagraíochtaí idirnáisiúnta a bhaineann le cúrsaí a mbeidh inniúlacht ag Eurofound ina leith.

Airteagal 31

Comhaontú Ceanncheathrún agus coinníollacha oibriúcháin

1. Na socruithe is gá maidir leis an gcóiríocht atá le cur ar fáil do Eurofound sa Bhallstát óstach agus na saoráidí a chuirfidh an Ballstát sin ar fáil mar aon leis na rialacha sonracha is infheidhme sa Bhallstát óstach maidir leis an Stiúrthóir Feidhmiúcháin, comhaltaí an Bhoird Bainistíochta, baill foirne agus baill dá dteaghlaigh, leagfar síos iad i gComhaontú Ceanncheathrún idir Eurofound agus an Ballstát ina bhfuil an suíomh lonnaithe.
2. Cuirfidh Ballstát óstach Eurofound na dálaí *is gá* ar fáil chun a áirithiú go bhfeidhmeoidh Eurofound, lena n-áirítear scolaíocht ilteangach a bhfuil béim ar an ngné Eorpach inti agus naisc iomchuí iompair.

CAIBIDIL VI

FORÁLACHA IDIRTHRÉIMHSEACHA

Airteagal 32

Forálacha idirthréimhseacha maidir leis an mBord Bainistíochta

Fanfaidh comhaltaí an Bhoird Rialúcháin a bunaíodh ar bhonn Airteagal 6 de Rialachán (CEE) Uimh. 1365/75 in oifig agus feidhmeoidh siad feidhmeanna an Bhoird Bainistíochta dá dtagraítear in Airteagal 5 den Rialachán seo go dtí go gceapfar comhaltaí an Bhoird Bainistíochta agus saineolaí neamhspleách de bhun Airteagal 4(1) den Rialachán seo.

Airteagal 33

Forálacha idirthréimhseacha maidir leis an bhfoireann

1. Ar feadh na dtréimhsí a bheidh fágtha dá théarma oifige nó dá téarma oifige, is ar Stiúrthóir Eurofound arna cheapadh ar bhonn Airteagal 8 de Rialachán (CEE) Uimh. 1365/75 a bheidh cúraimí an Stiúrthóra Feidhmiúcháin dá bhforáiltear in Airteagal 11 den Rialachán seo. Ní athrófar coinníollacha eile a chonartha nó a conartha.

2. *I gcás nós imeachta atá ag dul ar aghaidh i gcónaí chun an Stiúrthóir Feidhmiúcháin a roghnú agus a cheapadh tráth theacht i bhfeidhm an Rialacháin seo, beidh feidhm ag Airteagal 8 de Rialachán (CEE) Uimh. 1365/75 go dtí go dtabharfar an nós imeachta sin chun críche.*

3. *Leis an Rialachán seo, ní dhéanfar difear do chearta ná d'oibleagáidí na mball foirne atá fostaithe faoi Rialachán (CEE) Uimh. 1365/75. Féadfar a gconarthaí fostaíochta a athnuachan faoin Rialachán seo i gcomhréir leis na Rialacháin Foirne agus Coinníollacha Fostaíochta Seirbhíseach Eile.*

Coinneofar aon oifig idirchaidrimh de chuid Eurofound atá oibríochtúil tráth theacht i bhfeidhm an Rialacháin seo.

Airteagal 34

Forálacha buiséadacha idirthréimhseacha

Is i gcomhréir le hAirteagal 16 de Rialachán (CEE) Uimh. 1365/75 a dhéanfar an nós imeachta um urscaoileadh maidir leis na buiséid arna bhformheas ar bhonn Airteagal 15 den Rialachán sin.

CAIBIDIL VII

FORÁLACHA CRÍOCHNAITHEACHA

Airteagal 35

Aisghairm

Aisghairtear Rialachán (CEE) Uimh. 1365/75 agus déanfar tagairtí don Rialachán aisghairthe a fhorléiriú mar thagairtí don Rialachán seo.

Airteagal 36

Na rialacha inmheánacha arna nglacadh ag an mBord Rialúcháin a choinneáil i bhfeidhm

Fanfaidh na rialacha inmheánacha arna nglacadh ag an mBord Rialúcháin ar bhonn Rialachán (CEE) Uimh. 1365/75 i bhfeidhm tar éis an ... [dáta theacht i bhfeidhm an Rialacháin seo], mura gcinnfidh an Bord Bainistíochta a mhalairt agus an Rialachán seo á chur i bhfeidhm.

Airteagal 37
Teacht i bhfeidhm

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

■

Beidh an Rialachán seo ina cheangal go huile agus go hiomlán agus beidh sé infheidhme go díreach sna Ballstáit i gcomhréir leis na Conarthaí.

Arna dhéanamh in/sa...,

Thar ceann Pharlaimint na hEorpa

Thar ceann na Comhairle

An tUachtarán

An tUachtarán
